



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj\_06-14-16510-8/19

Datum: 01.08.2019. godine

Na osnovu čl. 18. stav (1) i 90. Zakona o javnim nabavkama BiH („Službeni glasnik BiH“, broj 39/14), člana 4. stav (4) Pravilnika o direktnom sporazumu broj: 06-02-31279/14 od 29.12.2014. godine Ministarstva za boračka pitanja Kantona Sarajevo, Člana 5. stav 3. Pravilnika o postupku direktnog sporazuma („Službeni glasnik BiH“, broj 90/14), Odluke o utvrđivanju Plana javnih nabavki za 2019. godinu broj 06-14-4131/19 od 21.02.2019. godine i Plana javnih nabavki za 2019. godinu broj 06-14-4131-1/19 od 21.02.2019. godine, člana 204. stav 1. Zakona o upravnom postupku („Službene novine Federacije BiH“, br. 2/98 i 48/99) i člana 70. Zakona o organizaciji organa uprave u Federaciji BiH („Službene novine Federacije BiH“ broj 35/05), Ministar za boračka pitanja Kantona Sarajevo je donio,

#### **ODLUKU**

o pokretanju postupka javne nabavke: pružanje usluga štampanja knjiga: 11. Juli u mom životu – više autora  
**JRJN 22110000-4 Štampane knjige**

##### **Član 1.**

Odobrava se pokretanje postupka javne nabavke: pružanje usluga štampanja knjiga: 11. Juli u mom životu, više autora.

Procijenjena vrijednost javne nabavke (bez PDV-a) iznosi **500,00 KM** (slovima: petstotina KM).

Za provođenje javne nabavke osigurana su sredstva **iz budžeta Ministarstva za boračka pitanja Kantona Sarajevo sa pozicije 613900** – ugovorene i druge usluge.

Javna nabavka će se provesti putem **direktnog sporazuma**.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

**JRJN: 22110000-4 Štampane knjige**

##### **Član 2.**

Kriterij za dodjelu ugovora je **najniža cijena**.

##### **Član 3.**

Za provođenje postupka zadužuje se Komisija imenovana Odlukom ministra broj: 06-14-4177/19 od 21.02.2019. godine.

##### **Član 4.**

Ova Odluka stupa na snagu danom donošenja.

#### **O b r a z l o ž e n j e**

Planom javnih nabavki za 2019. godinu broj 06-14-4131-1/19 od 21.02.2019. godine pod rednim brojem 16. planirana su sredstva za usluge nabavke i štampe knjiga koja će se realizirati u skladu sa Zakonom o javnim nabavkama BiH („Službeni glasnik BiH“, broj 39/14) putem direktnog sporazuma.

Planirana procijenjena vrijednost ukupnih nabavki ove vrste za 2019. godinu je 6.000,00 KM.

Procijenjena vrijednost konkretne javne nabavke: pružanje usluga štampanja knjiga: 11. Juli u mom životu, više autora je 500,00 KM.

Ministarstvo za boračka pitanja Kantona Sarajevo provodi politiku pomoći i zaštite pripadnika boračke populacije Kantona Sarajevo.

U vezi s tim, obaveza je pružanje svih vidova pomoći pripadnicima boračke populacije Kantona Sarajevo.

Knjiga izdata od strane više autora pod naslovom 11. Juli u mom životu je svjedočenje o stradanjima u Srebrenici i samim tim sadržaj iste je od neprocjenjivog značaja za stvaranje pisane građe o stradanjima u proteklom odbrambeno – oslobodilačkom ratu.

Radi pružanja podrške boračkoj populaciji u očuvanju sjećanja na žrtve proteklog rata i očuvanja tekovina odbrambeno oslobodilačkog rata na prostoru cijele Bosne i Hercegovine, donesena je odluka o pružanju usluga štampanja knjiga pomenutog naslova.

Na osnovu naprijed navedenog, odlučeno je kao u članu 1. ove Odluke.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1

